



Broj: **03/1-50-14-7-30/13**

Sarajevo, 08. 10. 2013. godine

**PREDMET:** Informacija o radnoj posjeti Terenskom uredu Granične policije BiH, Čapljina

Članovi Zajedničke komisije za odbranu i sigurnost BiH (ZK) su, 9.9.2013., boravili u radnoj posjeti Terenskom uredu Granične policije BiH JUG, Čapljina.

U delegaciji su bili: Dušanka Majkić, predsjedavajuća, Borjana Krišto, prva zamjenica predsjedavajuće, Beriz Belkić, Borislav Bojić, Mehmed Bradarić, Krunoslav Vrdoljak, članovi ZK, Ljiljana Milićević, sekretar, i Željko Grubešić, stručni savjetnik.

U terenskom uredu GPBiH članove ZK pozdravio je Vinko Dumančić, direktor, i Robert Perić, načelnik TU JUG sa saradnicima.

Zajednička komisija za odbranu i sigurnost BiH, u sklopu radne posjete Terenskom uredu Granične policije BiH „Jug“, sa sjedištem u Čapljini, obišla je granične prijelaze Doljani i Bijača.

Tokom sastanaka na GP Doljani i GP Bijača razgovarano je o bosanskohercegovačkoj granici i o izazovima koji se nalaze pred Graničnom policijom BiH na kontroli graničnog pojasa. Također su razmijenjeni stavovi o prekograničnoj saradnji Granične policije BiH sa susjednim državama.

Na graničnom prijelazu Doljani evidentna je gužva i višesatno zadržavanje. To je postalo gotovo svakodnevno. Evidentna je loša i neuslovna infrastruktura i samim tim slaba prohodnost putnika i robe. Građani još uvijek ne koriste GP Bijača za ulaz u Hrvatsku. Frekventnost saobraćaja manja je od očekivane, istakli su u Graničnoj policiji BiH, te dodali kako konstantno apeliraju na građane da više koriste prijelaz na Bijači.

GP Bijača jedan je od dva BIP-a, granična prijelaza na kojem je dozvoljen promet robe životinjskog i biljnog porijekla, nakon ulaska Hrvatske u Evropsku uniju. Prijelaz je otvoren 1. 7. ove godine, a robni promet na ovom prijelazu odvija se bez problema.

Putnički promet na GP Bijača još uvijek je slabog intenziteta. Problem je u tome što građani ne znaju, pogotovo u okruženju, da mogu koristiti ovaj granični prijelaz kao alternativni za

prelazak u Hrvatsku, ili obrnuto. Osim toga što građani ne znaju da je ovaj GP otvoren, drugi problem je nezavršena infrastruktura, kao i loša prometna komunikacija nakon GP Bijača prema unutrašnjosti BiH, te što još pristupni put autocesti Ploče-Vrgorac u Hrvatskoj nije spojen.

Promet robe preko GP Bijača ipak se odvija bez problema i frekventan je. Kada je riječ o uvozu, sa 31. 7. evidentirano je 1.600 carinskih prijava, 700 ostalih prijava, te 700 praznih kamiona, što čini ukupno 3.000 kamiona koji ulaze u BiH. Obrađeno je 450 izvoznih carinskih prijava, 550 ostalih prijava, te 2.000 praznih kamiona, što čini ukupno 2.800 kamiona koji izlaze iz BiH.

Preko graničnog prijelaza Bijača ukupno je prešlo 5.800 kamiona. Zastupljene su sve procedure kada je riječ i o uvozu i o izvozu. Carinski službenici, bez ijednog zastoja, stoprocentno su ispunili očekivano carinsko uredovanje, te nisu imali nijedan incident prilikom ulaska ili izlaska robe.

Nakon sastanka, Zajednička komisija obišla je i Zajednički kontakti centar Granične policije BiH i Granične policije Republike Hrvatske, stacioniran na graničnom prijelazu Bijača.

Tom prilikom članovi Zajedničke komisije informirani su o visokom nivou saradnje pripadnika graničnih policija dviju država, kao i stvaranju uslova za dodatno unapređenje njihovog zajedničkog djelovanja na sprečavanju svih oblika prekograničnog kriminaliteta.

**PREDSJEDAVAJUĆA KOMISIJE**  
**Dušanka Majkić**

Dostavljeno:

- naslovu
- a/a